

# O le Ekalesia Moni ma Ola

Na aoao mai Elder David A. Bednar o le Korama a Aposetolo e Toasefululua:



Na tautino mai e le Alii e faapea, O Le Ekalesia a Iesu Keriso o le Au Paia o Aso e Gata Ai o “le ekalesia moni ma ola e tasi i luga o le fogaeleele” (MF&F 1:30). O lenei Ekalesia toefuataiina e moni aua o le Ekalesia a le Faaola; o la “o le ala, o le upumoni, ma le ola” (Ioane 14:6). Ma o se Ekalesia ola ona o galuega ma meaalofo a le Agaga Paia. (David A. Bednar, “Ia Maua le Agaga Paia,” *Liahona*, Nov. 2010, 97)

Sa aoao mai Peresitene Dallin H. Oaks o le Au Peresitene Sili:



E tolu matapule taua—(1) atoatoaga o aoaoga faavae, (2) mana o le perisitua, ma le (3) molimau ia Iesu Keriso—o loo faamatala mai ai le mafuaaga na tautino mai ai e le Atua . . . e na o le pau lenei o le Ekalesia moni ma ola i luga o lenei fogaeleele atoa. . . .

O le talalelei toefuataiina a Iesu Keriso e atoatoa, lautele, alofa, ma e moni. . . .

O le mauaina o le mana o le perisitua, o ta’ita’i ma tagata faatagaina o Le Ekalesia a Iesu Keriso o le Au Paia o Aso e Gata Ai ua i ai le pule e faatino ai sauniga manaomia o le perisitua, e pei o le papatisoga, le meaalofo o le Agaga Paia, ma le faatautaia o le faamanatuga.

O ki o le perisitua, o loo umia e lo tatou perofeta pele . . . ma o isi perofeta ma Peresitene uma o le Ekalesia, ua maua ai e ia faaaliga e fai ma sui mo le Ekalesia atoa. O lenei Ekalesia o loo “ola” aua o loo i ai o tatou perofeta o loo faaaauu pea ona tuuina mai ia i tatou le afioga a le Alii lea e manaomia mo o tatou taimi.

O le mafuaaga lona tolu ua avea ai la tatou Ekalesia ma ekalesia moni e tasi, ona ua ia i tatou le upumoni faaaliga e uiga i le natura o le Atua ma lo tatou sootaga ia te la, ma o lea ua tatou maua ai se molimau tulaga ese ia Iesu Keriso. (Dallin H. Oaks, “The Only True and Living Church,” *New Era*, Aug. 2011, 3–5)